

ପିତର ଲିଖିତ ଦ୍ରୀତିକ୍ଷ୍ମ ପତ୍ର ପିତର ରାଚାମାନି ରୀ ଲମ୍ବର ଆକ୍ର ମୁକ୍ତ ହାତା

ପିତର ରୀ ଲମ୍ବର ଆକ୍ରତି ପାଣ୍ଡୁଞ୍ଚିଆଡ଼ି ପିତର ରାଚାମାଚେସି, ସାମା ହାଚେରକା ବୁଦିଗାଚାରି ନୀଏଁ ଞ୍ଚିଏ ଇଦି ସାତା ଇଞ୍ଚି ନାମିହିଲଅରି । ଇଦାଆଁ ପିତର ତାଣାଚି ଆମ୍ବାଆସି ଆଚେ ରାଚାମାଣ୍ଡିନେସି । ରାଚାମାନାସି ଏଲେଇଞ୍ଚି ମାନେସି, ଏଞ୍ଚାସି ଜୀସୁ ଇ ଦାରତିତା ନୀତାମାଚାଣି ଅଡ଼େ ମୁମ୍ବୁ ବୁଦଲି ଆହାମାଚାଣି ତାନୁଏ ମେସାମାଚେସି ୧:୧୭-୧୮ । ଇ ଆକ୍ରତି ପିତର ରାଚାମାଚିସାଚେ ଏଞ୍ଚାସି ରମ୍ବତା ମାଞ୍ଜାନା ତାନୁ ହାଡ଼ି ନକେଏ ଜୀସୁ କ୍ରୀସୁ ଜାର୍ନାଆଡ଼ି ୭୫-୭୯ ବାର୍ସା ତାମୁ ରାଚାମାଚେସି । ପିତର ରୀ ଲମ୍ବର ଆକ୍ରତି ତାମୁ ପିତର ରାଚିତି କାଲିମି ଞ୍ଚେସାନା ଏଲେଇଚେସି ଇଦି ରୀ ପାଲିତି ଆକ୍ର ୩:୧ । ଏଞ୍ଚାସି ଇ ଆକ୍ରତା ବାଚେ କ୍ରୀସ୍ତାନା ଲକ୍ରତି ଦରୁ ଞ୍ଚେକ୍‌ହେସି ।

କ୍ରୀସୁଇଁ ନାମିତି ଲକ୍ର ନେହଁକଁ ନୀତାବାଡ଼କାଲି ସାସା ହୀହାଲି ଅଡ଼େ ମିଚିତାଣି ଜାପ୍‌ନାରି ତାଣାଚି ଜାଗ୍ରାତା କିହାଲି ଇ ଆକ୍ର ପିତର ରାଚାମାନେସି ୨ ପାର୍ଟୁ । ପିତର ଏଞ୍ଚାରାଇଁ ଜୀସୁ ତବେ ଞ୍ଚାହାହିଲଅସି ଇଞ୍ଚିମାନି ଲକ୍ର କାତା ଆହ୍‌ଆଦୁ ଇଞ୍ଚି ସାସା ହୀଚେସି । ଏଞ୍ଚାସି ତସାନା ଞ୍ଚେସେସି ମାହାପୁରୁ ନିସ୍ତା ଆହ୍‌ କାମାକିନାସି ଆଏ ସାମା ଏଞ୍ଚାସି ବାଚେଜାଣାଚି ଗେଲ୍‌ପି ଆହାଲି ଅଣପିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣ୍ଡକିତି ଜୀଞ୍ଚୁତଲେ ନୀଡ଼ିନାୟି ମାନେ ୩:୧୪ ।

ପତିତା ମାନାୟି

୧. ପିତର ତାଚେ ଞ୍ଚେକ୍‌ହା କଡ଼ିନାୟି ଅଡ଼େ ତାନି ଆକ୍ରତି ପତ୍ରଞ୍ଚି ଆନାରାଇଁ ଞ୍ଚେହ୍‌ନାୟି । ୧:୧-୨
୨. ଏଞ୍ଚାସି ଏଞ୍ଚାରାଇଁ ନେହଁକଁ ନୀତାବାଡ଼କାଲି ଅଣପି କିହିମାନେସି ଏଦାଆଁତାକି ଇଚିହଁ ମାହାପୁରୁ ମାଚେ ବାଡ଼ମୁ ହୀହାମାଞ୍ଜାନେସି । ୧:୩-୨୧

- ୩. ଏଞ୍ଜେଲ୍ସ ମିଡି ଜାପ୍ନାରି ତାଣାଟି ଜାଗ୍ରାତା ଆହାଲି ଝେସାମାନେସି ଅଡେ ଜୁଗୁ ରାନ୍ତି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜିଁ ଝେସାମାନେସି । ୨:୧-୨୨
- ୪. କ୍ରୀସ୍ତୁଇଁ ନାମିଡି ଲକ୍ଷୁଣି ଜୀସୁ ଝେଣ୍ଡେ ଝାନ୍ତି ଦିନା ପାତେକା ନେହଁଁ ଜୀଝୁତଲେ ତିୟାରା ଆହା ମାଞ୍ଜାଲି ସାସା ହୀହାନା, ପିତର ତାନି ଆକୁ ରାପ୍ନାୟି । ୩:୧-୧୭

୧ ସିମନ ପିତର, ର ହଲେଏସି ଅଡେ ପାଣ୍ଡୁଞ୍ଜି ଆହାମାନାସି, ମା ମାହାପୁରୁ ଅଡେ ଗେଲ୍ପାନି ଜୀସୁ କ୍ରୀସ୍ତୁତି ଦାମ୍ବୁତାକି ଆମିନି ଗାଟାରି ମା ଲେହେଁଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଡିମାଲ୍ । ୨ ମାହାପୁରୁ ଅଡେ ମା ପ୍ରବୁ ଜୀସୁତି ବୁଦିତଲେ ମିଙ୍ଗେତାକି କାର୍ମାମେହ୍ନାୟି ଅଡେ ହିଡଡି ଜୀଝୁ ହାରେକା ଗାଡି ଆୟାପେ ।

ମାହାପୁରୁ ହାଡିନାୟି ଅଡେ ଆଡିନାୟି

୩ ଆମ୍ବାଆସି ତାନି ଗାଝୁରମି ଅଡେ ନେହଁଁ ଗୁଣ୍ଡୁତଲେ ମାଙ୍ଗେ ହାଟାମାଞ୍ଜାନେସି, ମାହାପୁରୁ ତାନି ବୁଦିତଲେ ଲାକପୁରୁତି ବାଡୁୟୁଡି ମାଙ୍ଗେ ଜୀଝୁ ଅଡେ ଦାମ୍ବୁତି ଜିରୁ ତାକି ବାରେ ଲଡ଼ାମାନାଣି ହୀହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାଡି ଦାରା ଅଡେ ହାରେକା ଲଡ଼ାଗାଟି ଆଞ୍ଜାମାନି ଦାନା ହୀହାମାଞ୍ଜାନେସି, ଏନିକଁଁ ଏ ବାରେ ତଲେ ମୀରୁ ଲାଗେଏଡି ଅଣ୍ଡପୁତା ଆହିମାନି ଆମିନି ନାସା ଆନି ଦାରତିତା ମାଞ୍ଜେରି, ଏମ୍ବାଟି ଗେଲ୍ପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡୁ । ୫ ଇଦାଆଁତାକି ମୀରୁ ହାରେକା ଜାଡୁନୁଡି ନାମୁତଲେ ନେହଁଁ ଗୁଣ୍ଡୁ, ଅଡେ ସାତା ଗୁଣ୍ଡୁତଲେ ବୁଦି, ୬ ବୁଦିତଲେ ଆଙ୍ଗାଡି ଲକ୍ନାୟି, ଆଙ୍ଗାଡି ଲକ୍ନାଣି ତଲେ ସାସା, ସାସାତଲେ ଦାମ୍ବୁତି କାମା କିନାୟି, ୭ ଦାମ୍ବୁତି କାମାକିନାଣି ତଲେ ତାୟିୟାଲ୍ ଜୀଝୁନନାୟି, ତାୟିୟାଲ୍ ଜୀଝୁ ନନାଣି ତଲେ ବାରେ ଲକ୍ଷୁଇଁ ଜୀଝୁ ନନାଣି ଆବ୍ଦୁ । ୮ ଇ ନେହଁଁ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତୁତି ବୁଦି ମିଙ୍ଗେ ପାରସାଡ଼ା ଅଡେ ବାରେ ମେଡି କିହାମାଞ୍ଜାନେ । ୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା

ଆହାମାନେସି, ଅତେ ତାନି ନକେଏ କିତି ବାରେ ପାପୁଟି ନର୍ଝି ଆଡାଣି ଏଝାସି ବାଣ୍ଠି ଆହାମାନେସି ।

୧୦ ଇଦାଆଁତାକି, ଏ ତାୟି ତାଲିସ୍ତା, ମାହାପୁରୁ ମିଙ୍ଗେ ଆଡାନା ହାଟାମାଞ୍ଜାନାଣି ଅତେ ମନତି ଅଣ୍ଠୁ ତୀରି କିହାଲି ହାରେକା ଜାତନ୍ତୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏଚେଲା ଜିକେଏ ମୀ ନାମୁତା ଉଣା ଆଅତେରି । ୧୧ ଇଞ୍ଜା ଇଲେକିହିଁ ଏ ମା ପ୍ରବୁ ଅତେ ଗେଲପାନି ଜୀସୁ କ୍ରୀସ୍ତତି କାଲକାଲାତି ରାଜିତା ରାହାଁତଲେ ହାଜାଲି ମିଙ୍ଗେ ହୀପକି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅତେ ମୀରୁ ବେଟାଆହାମାନି ସାତାତା ନେହିଁକିଁ ତୀରି ଆହାମାଞ୍ଜେରି, ଆଡିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଠି କିଝିକିହାଲି ଜାଗ୍ରାତା ଡୟିଜି । ୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେଡନା କିହାଲି ନାନୁ କିନାୟି ମାନେ ଇଞ୍ଜିଁ ଅଣ୍ଠିମାଲି । ୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକିଁ ଝେସାମାଞ୍ଜାନେସି, ଏଲେକିହିଁ ନାଙ୍ଗେ ଦାପେ ଇ ନା ଆଙ୍ଗା ଲେହେତି ତୁମୁ ପିସାଲି ଆନେ, ୧୫ ଅତେ ନା ହାଡି ତାୟୁ ଜିକେଏ ମୀରୁ ଏନିକିଁ ଇ ବାରେ କାତା କାଲେଏ ଅଣ୍ଠୁତା ଇଟିଦେରି, ଇଦାଆଁତାକି ନାନୁ ଅଣ୍ଠିମାଲି ।

କ୍ରୀସ୍ତତି ଗାଞ୍ଜୁରମି ମେସ୍ତାରି ସାକି

୧୬ ଇତିହିଁ ମାମ୍ବୁ ଏଚିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡ଼ୟୁ ଅତେ ଝାହିମାନି କାତା ମିଙ୍ଗେ ପୁଣ୍ଠି କିୟାତମି, ଏଚିବେଲା ଏନି ସୁତ୍ରମି ତଲେ କେପିତି ପୁସ୍ପନିକା ଆସା ହିଲାଆତମି, ସାମା ତାନି ଗାଞ୍ଜୁରମିତି କାଶକା ତଲେ ମେସ୍ତା ସାକିୟାଁ ଆହାମାତମି । ୧୭ ☆ଏଚିବେଲା କାଜା ଗାଞ୍ଜୁରମିତି ଏଝାଣାକି ଇ ହାଡା ଝାଡେ, ଏଚିବେଲା ମାମ୍ବୁ ଏମ୍ବାଆଁ ମାତମି, “ଇଝାସି ନା ଜୀଞ୍ଜୁତି ମୀରୁଏସି ଇଝାଣି ତାଣେଏ ନା ହାରେକା ରାହାଁ ମାନେ !” ଏଚିବେଲା ଏଝାସି ଆବା ମାହାପୁରୁ ତାଣାଟି ସାମ୍ବୁ ମି ଅତେ ଗାଞ୍ଜୁରମି ବେଟାଆଡେସି;

☆ ୧:୧୭ ମାତି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

୧୮ ମାମ୍ବୁ ତାନିତଲେ ଏ ସୁଦ୍ଧୁ ହରୁ ଲାକ ମାଟିବେଲାତା ମାମ୍ବୁସୁ ହାଗୁ ଲାକଟି ଝେଲିତି ଛ ହାଡ଼ା ଝେଞ୍ଜାମାନମି ।

୧୯ ଏମ୍ବାଆଁ ମାହାପୁରୁ ଅଣ୍ଟପୁତି ବଲୁ ଝେକ୍‌ନାରି ଝେକ୍‌ହାମାତି ମାହାପୁରୁ ଅଣ୍ଟପୁତି ବଲୁ ମାଲୋଡାକି ହାରେକା ଆଟ୍‌ଝା ଆଡେ; ମୀରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦୀଞ୍ ଲେହେଁ ଅଣ୍ଟପାନା ଲାଆଁ ଝେୟାଆ ପାତେକା ମୀ ହିୟାତା ଝେୟାଜାରା ହୁକା ହଥା ପାତେକା ଏଦାଣି ମନ୍ ହାତିହୁଁ ନେହେଁ ଆଡେ । ୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍‌ ପତିତା ରାସ୍‌କି ଆହାମାନି ମାହାପୁରୁ ବଲୁତି ଜାହାରା ବୁଦତଲେ ତେଲହାଲି ଆଡ଼ାଆୟି । ୨୧ ଇତିହୁଁ ଆମିନି ମାହାପୁରୁ ଅଣ୍ଟପୁତି ବଲୁ ଝେହ୍‌ନାରି ଝାଉଲ ତାମ୍‌ମାଣସି ଅଣ୍ଟପୁତି ଆମ୍ବାଆସି ଜିକେଏ ଝେକ୍‌ହା ହିଲଅରି, ସାମା ମାହାପୁରୁ ପାଣ୍ଡିତି ମାଣସିୟାଁ ସୁଦୁଜାଞ୍ଜୁତି ସାଲୁଝି ଆହାନା ଏଞ୍ଜାରି ଅଣ୍ଟପୁତି ବଲୁ ଝେସାମାତେରି ।

୨

ମିତି ଜାପ୍‌ନାରି

୧ ସାମା ଲକୁ ତାଣ୍ଡାଟି ମିତି ମାହାପୁରୁ ବଲୁ ଝେହ୍‌ନାରି ହଡେରି; ଏଲେକିହୁଁ ଏ ମୀ ବିଡ଼ାଟି ମିତି ଜାପ୍‌ନାରି ହନେରି; ଏଞ୍ଜାରି ନାସା ଆନିଲେହେଁତି ନାଡ଼ିକିନି ଅଣ୍ଟପୁ, ଡ଼ଗୁନା ଝେକ୍‌ହାନା ଏଞ୍ଜାରାଲ୍ କଡ଼ାମାନି ପ୍ରୁଲ୍ ଜିକେଏ ପୁଞ୍ଜାହିଲଅମି ଇନେରି, ଅଡେ ଜାହାରାଲ୍ ଦେବୁଣିଏ ନାସା କିୟାନେରି । ୨ ଅଡେ ହାରେକା ଲକୁ ଏଞ୍ଜାରି ଲାଗେଏ କାମାତି ଜେଚ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ । ୩ ଏଞ୍ଜାରି ଦନ୍ ଜୁପକାତାକି ମିତି ଜାପ୍‌ହାନା ମୀ ତାଣ୍ଡାଟି ତାବୁୟାଁ ଲାବା ବେଟାଆହାଲି ଅଣ୍ଟପିନେରି, ଏଞ୍ଜାରି ଡ଼ଣ୍ଡୁ ତଲି କାଲାଟିଏ ଆହିମାନେ ଅଡେ ହାରେକା ଦିନାଟିଏ ମାହାପୁରୁ ଏଞ୍ଜାରାଲ୍ ବିଚାରା କିହାମାନେସି, ଏଞ୍ଜାରି ନାସା ଆନାୟି ଝାଡେୟିଏ ।

୪ ଇତିହୁଁ ମାହାପୁରୁ ପାପୁ କିତି ଦୁଦୁୟାଁଲ୍ ପିହୁଆନା ହିବୁ ଗାଡ଼ୁୟୁତା ମେଡ଼ହା ମାନେସି, ଏମ୍ବାଆଁ ଏଞ୍ଜାସିକା ନାହାଁୟି ଆନି ଦିନା ପାତେକା ଆନ୍ଦେରି ଗାଡ଼ୁୟୁତା ଇଟାମାନେସି । ୫ ମାହାପୁରୁ ପୁଞ୍ଜଇ ଦାର୍‌ତିତି ଜିକେଏ ପିସାହିଲଅସି, ସାମା ଦାମ୍‌ କାତା ଝେହ୍‌ନି

ନହ ଇଞ୍ଜା ତାନିତଲେ ସାତା ଜାଣାଇଁ ଗେଲ୍‌ପାନା ପାପୁତି ଦାର୍ତ୍ତିତି
 ଏମୁତଲେ ବୀଡ଼଼ି କିତେସି; ^୭ ଏଞ୍ଜାସି ସଦମ ଅଡ଼େ ଗମରା ଗାଡ଼ାତି
 ଦାର୍ମ୍ବୁ ନ୍ନିପହାନା ନାସା କିହାଲି ତଣ୍ଡତି ହୁକୁମି ହୀତେସି ଅଡ଼େ
 ଏଞ୍ଜାରାଇଁ ତାୟୁ କାଲାତି ଦାର୍ମ୍ବୁ ହିଲାଆଗାଟାରି ପୁଣ୍ଡିକିନିଲେହେଁ
 କିତେସି । ^୮ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ
 କାମାଟି ହେକ ଆହାମାନି ଦାର୍ମ୍ବୁଗାଟି ଲଟଇଁ ମାହାପୁରୁ ଗେଲ୍‌ପିତେସି,
 「 ଏ ଦାର୍ମ୍ବୁଗାଟାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି
 କାମା ମେସା ଅଡ଼େ ଖେଞ୍ଜାନା ଦିନମି ତାକି ଦିନମି ଦାର୍ମ୍ବୁଗାଟାସି
 ଆହାନା ହାରେକା ଦୁକୁ ବେଟାଆହିମାଟେସି । ^୯ ଇଲେକିହିଁ ଏ
 ପ୍ରୁ ଦାର୍ମ୍ବୁଗାଟାରାଇଁ ତାୟିପାରି କିନି ତାଣାଟି ଗେଲ୍‌ପାଲି ଇତିହିଁ
 ଦାର୍ମ୍ବୁ ହିଲାଆଗାଟାରାଇଁ, ଆମ୍ବାଆରି ଆଙ୍ଗାତି ଲାଗେଏତି କାମାତା
 ସାଲ୍‌଼ି ଆହାନା ପ୍ରୁଇଁ ମାନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡ
 ତାକି ଇଟାଲି ପୁଞ୍ଜାମାନେସି । ^{୧୦} ଇତିହିଁ ଆମ୍ବାଆରି ମାହାପୁରୁତି
 ଅଦିକାରାତି ହୀଣି କିହାନା ଜାହାରା ଆଙ୍ଗାତି ଜୁପକାତା ତୟିମାନେରି,
 ଏଞ୍ଜାରି ଏ କାଜା ନାହାଁୟି ଦିନା ପାତେକା ଏନିକିଁ ତଣ୍ଡ ହୀହାନା
 ଇଟାଲି ଆନେ । ଏ ମିତି ଜାପୁନାରି ଆଜାଆ ଗାଟାରି, ଏଞ୍ଜାରି
 ଲାକପୁରୁ ଗାଞ୍ଜୁରମି ଗାଟାରାଇଁ ମାନି କିଆନା ଏଞ୍ଜାରାଇଁ ଲାଜା
 କିହିମାଞ୍ଜେରି । ^{୧୧} ଆଡ଼ିଜିକେଏ ହାରେକା ବାଡ଼ୟୁ ଅଡ଼େ କାଜାପାଣା
 ବେଟାଆହାମାନି ଦୁତୁୟାଁ ପ୍ରୁ ନକିତା ଏଞ୍ଜାରି କପାଟି ନିଙ୍ଗାନା
 ନିନ୍ଦାକିହିଁ ବିଚାରା କିଅରି । ^{୧୨} ସାମା ଇଞ୍ଜାରି ବୁଦି ହିଲାଆ ଜନ୍ତୁ
 ଲେହେଁତାରି, ଏଞ୍ଜାରିଲେହେଁ ଇ ମିତି ଜାପୁନାରି ଜିକେଏ, ଏନାଆଁ
 ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା
 ଏଞ୍ଜାସି ଜାଡ଼ାତି ଜନ୍ତୁ ଲେହେଁ ନାସା ଆନେରି, ^{୧୩} ଏଞ୍ଜାରି ଲାଗେଏତି
 କାମା କିହାମାଟିସାରେ ଲାଗେଏ କମାତି ପାଡ଼େୟି ବେଟାଆନେରି ।
 ଏନାୟି ଏଞ୍ଜାରି ଆଙ୍ଗା ତାକି ନେହେଁ ହନେ, ଏଦାଆଁ ଏଞ୍ଜାରି ମାଦେନା
 କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡ଼ି କିଞ୍ଜାନ୍ତି
 କାମାତା ରାହାଁ କିହିଁ ମୀ ତଲେ ତିଞ୍ଜାଲି କୁଡ଼ା ଆନେରି । ^{୧୪} ଏଞ୍ଜାରି
 କାଶକା ଦାରି କାମାତା ନେଞ୍ଜା ତୟିନେ, ପାପୁ ପିସାଲି ମନ କିଅରି,
 ଏଞ୍ଜାରି ତିକିତାକାଗାଟି ହାରେକା ଲକୁଇଁ ଜୁପକା ତହନେରି, ଏଞ୍ଜାରି

ହିୟାଁ ଦନ୍ତ ଜୁପକାତା ଡୟିନେ, ଏଞ୍ଜାରି ବାରେ ବାକା ବେଟାଆନାରି । ୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଞ୍ଜୁ ନନ୍ନି ବିୟରା ମୀର୍ଏସି ବିଲିୟମତି କ୍ରେଚ କ୍ରେଚ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି । ୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲ୍ଲାଲି ଆଆଗାଟି ଗାଡ଼ଦେ ମାଣ୍ଡସି ହାଡ଼ାତଲେ ଜଲ୍ଲାହାଁ ମାହାପୁରୁ ଅଣ୍ଡପୁତି ବଲୁ ଖେହ୍ନି ତାଣାଟିଏ ସାପି କିତେ ।

୧୭ ଇ ମିଟି ଜାପନାରି ଏୟୁ ଖାୟିତି ଜାରଣା ଲେହେଁତାରି ଅଡ଼େ କାଜା ଗାଲିତା ଡ଼ମ୍ବିନି ହାଗୁ ଲେହେଁତାରି, ମାହାପୁରୁ ଏଞ୍ଜାରାକି ହାରେଏ ଆନ୍ଦେରିଗାଟି ଟାୟୁ ଇଟାମାନେସି । ୧୮ ଇତିହୁଁ ଏଞ୍ଜାରି ଉଜେଏତି ବତପଣିତି ତାହାରା କାତାୟାଁ ଖେହ୍ନେରି ଇଞ୍ଜା ନାଡ଼ିକିନି ମାଣକିଗାଟି ଲକୁ ତାଣାଟି ଗେଲ୍ପି ଆହାମାନି ଲକୁଣି, ତାମି ଆଙ୍ଗାଡ଼ ଜୁପକାଟି କାମା କିହାନା ପାନ୍ଦାତା ମେଡ଼ନେରି; ୧୯ ଏଞ୍ଜାରି ଏଞ୍ଜାରାଇଁ ମେଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜୁଁ ଆଞ୍ଜନେରି, ସାମା ଏଞ୍ଜାରି ତାମ୍ବୁସୁ ନାସା କିଞ୍ଜିକିନି କାମାତି ହଲିୟାଙ୍ଗା ଆନେରି; ଏନାଆଁତାକି ଇତିହୁଁ ଆମ୍ବାଆସି ଆମ୍ବାଆରି ତାଣା ହାରଞ୍ଜି ଆନେସି ଏଞ୍ଜାସି ଏମ୍ବାତି ହଲେଏସି ଆନେସି । ୨୦ ଇତିହୁଁ ଏଞ୍ଜାରି ପ୍ରୁ ଅଡ଼େ ଗେଲ୍ପିନି ଜୀସୁ କ୍ରୀସ୍ତୁତି ବୁଦିତଲେ ଦାରତିତି ଲାଗେଏତି ତାଣାଟି ଗେଲ୍ପି ଆହାନା ଖେଣ୍ଡେ ଏମ୍ବାତି ପାନ୍ଦାତା ଦସ୍ପି ଆହାନା ହାରଞ୍ଜି ଆନେରି, ଆତିହୁଁ ଏଞ୍ଜାରାକି ତଲିତି ତଣ୍ଡୁ କିହାଁ ତାୟୁତି ତଣ୍ଡୁ ହାରେକା କସ୍ତ୍ରାଗାୟି ଆନେ । ୨୧ ଇତିହୁଁ ଦାମ୍ବୁତି ଜିରୁ ପୁଞ୍ଜାନା ଏଞ୍ଜାରାକି ହେରପି ଆହାମାନି ସୁବୁ ହୁକୁମି ପିହ୍ନି କିହାଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆତିହୁଁ ନେହୁଁ ଆଡ଼େମା । ୨୨ “ନେହୁଡ଼ି ତାନୁ କାକ୍ଞାନା ଖେଣ୍ଡେ ତିଞ୍ଜାଲି ଇଞ୍ଜା ନରଞ୍ଜି ଆହାମାନି ପାଜି ଅଡ଼େ ଖେଣ୍ଡେ ଲାଦିତା ତେରମ୍ବାଲି ହାନେ” ଏଞ୍ଜାରାକି ଏ ଖେକ୍‌ହାମାନି ସାତା କାତା ଏଞ୍ଜାରାକି ଆହାମାନେ ।

୩

ପ୍ରୁ ଖେଣ୍ଡେ ଖାନ୍ତି ଦିନା

୧ ଏ ଜୀବୁତି ତାୟି ତାଈଁସ୍ମା, ନାନୁ ନୀର୍ଦ୍ଦାମୀ ତାଣା ଇ ରୀ ଲମ୍ବର ଆକୁ ରାଡ଼ିମାଈ, ଇଦାଆଁତାକି ଇ ରୀ ଆକୁତା ନାନୁ ମିଙ୍ଗେ ଏ ବାରେ ଅଣ୍ପି କିହାନା ମୀ ସୁଦୁ ମନତି ପାଡ଼ିକିହାଲି ଅଣ୍ପିମାଈ । ୨ ମୀରୁ ଏନିକ୍ ସୁଦୁଗାଟି ମାହାପୁରୁ ଅଣ୍ପୁତି ବଲୁ ଝେହ୍ନାରି ତାଣାଟି ତଲି କାଲାତା ଝେସାମାନି ବାରେ ବଲୁ ଇଞ୍ଜା ପାଣ୍ଡୁଝି ଆହାମାନାରି ତାଣାଟି ଝେସପିଆହାମାନି ପ୍ରବୁ ଇଞ୍ଜା ଗେଲ୍ପାମାଣା ହୁକୁମି ଅଣ୍ପୁତା ଇଟାପୁ । ୩ ତଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ତି ବେଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଝାରି ମିଙ୍ଗେ ଲାଜା କିୟାନେରି । ୪ ଏ ଲାଜା କିୟାନାରି ଝାହାନା ଏଝାରି ମିଙ୍ଗେ ଲାଜାକିହ୍ ଏଲେଇଞ୍ଜାନେରି “ଜୀସୁ ଝେଣ୍ଡେ ଝାଈଁ ଇଞ୍ଜୁ ଝେସାମାଞ୍ଜାତେସି ଆତିହ୍ ଏଝାସି ଏଚେଲା ଝାନେସି ? ଇତିହ୍ ମା ଆକୁ ଆବାୟାଁ ହାଡ଼ି ଦିନାଟିଏ ନୀର୍ଦ୍ଦା ପାତେକା ବାରେ ଦାର୍ଡିତି ଗାଡ଼ି ଆଡ଼ି ଦିନାଟିଏ ଏନିକ୍ ମାଚେ, ଏଲେକିହ୍ ଏ ନୀର୍ଦ୍ଦା ଜିକେଏ ଡୟାମାନେ !” ୫ ଏଝାରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲାତା ମାହାପୁରୁ ହୁକୁମି ହାତେସି ଅଡେ ହାଗୁପାକା ଅଡେ ଦାର୍ଡି ଗାଡ଼ି ଆଡେ ଅଡେ ଦାର୍ଡି ଏୟୁ ତାଣାଟି ଏୟୁ ଗୁରତାନା ଗାଡ଼ି ଆଡେ । ୬ ଅଡେ, ଏଝାଣି ତାଣାଟି ଏ ତଲି କାଲାତି ଦାର୍ଡି ଏୟୁତଲେ ନାସା ଆଡେ; ୭ ସାମା ନୀର୍ଦ୍ଦା ହାଗୁପାକା ଅଡେ ଦାର୍ଡି ଏ ମାହାପୁରୁତି ବଲୁ ତଲେ ଲାଗେଏ ପଲେଏତି ଲକୁତି ନୀର୍ଦ୍ଦା ଅଡେ ନାସାତି ଦିନା ପାତେକା କୁଡ଼ି ଆହାନା ହିରୁତା ହୁଡାଲି ଇଟକି ଆହାମାନେ ।

୮ ସାମା ଏ ଜୀବୁତି ତାୟି ତାଈଁସ୍ମା, ମାହାପୁରୁ ନକିତା ର ଦିନା ର ମାଣା ବାର୍ଦା ସମାନା ଅଡେ ର ମାଣା ବାର୍ଦା ର ଦିନା ସମାନା; ଇ କାତାତି ଏଚେଲା ବାଣା ଆଆପୁ । ୯ ହାଚେକା ଲକୁ ପ୍ରବୁ ଝେଣ୍ଡେ ଝାନି ଦିନା ମାନେୟିଏ ଇଞ୍ଜୁ ଅଣ୍ପିନେରି, ସାମା ପ୍ରବୁ ତାନୁ ଏଲେଇଞ୍ଜା ମାନାଣି ଏଚେଲାଝା ଝେଡ଼ା କିଅସି; ଏନିକ୍ ଆମ୍ବାଆରି ନାସା ଆଅରି, ସାମା ବାରେଜାଣା ମନ୍ ଝେଟହା କଡିନେରି; ଇଦାଆଁ ଅଣ୍ପିପାନା ଏଝାସି ମୀ ତାକି କାର୍ମା ମେସି ମାଞ୍ଜାନେସି ।

୧୦ ତମାହାପୁରୁ ଝାନି ଦିନା ର ସରୁ ଝାନି ଲେହେଁ ଝାନେ, ଏ ଦିନା

☆ ୩:୩ ୩:୩ ଜୀହୁଦା ୧:୧୮ ☆ ୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଝେ ବଲୁ ୧୨:୧୫

ହାଗୁପାକା କାଜା ହାତାତଲେ ମେଣ୍ଟାହାନେ, ଅଡ଼େ ଦାରୁଡିତା ମାନି
 ବାରେ ଦିଶସୁ ଗାତି ଝେସାନା ରୁୟାହାନୁ, ଇଞ୍ଜା ଦାରୁଡି ଅଡ଼େ ଏମ୍ପାଆଁ
 ମାନି ଆସ୍ତି ବାରେ ହିରୁଡା ଡ଼ାଞ୍ଜାହାନେ । ^{୧୧} ଇ ବାରେ ଇଲେଆହ
 ମେଣ୍ଟାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ
 ମେଣ୍ଟାହାନେ ଅଡ଼େ ଦାରୁଡିତ ବାରେ ଦିଶସୁ ହାରେକା ଝେସାନା
 ରୁୟାହାନେ, ^{୧୨} ପ୍ରବୁ ଝାନି ଦିନା କାପୁ କାଚାଡ଼ୟିନି ଲକୁ, ଏଦି
 ଏନିକି ତବେ ଝାନେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା
 ହାଗୁଲକା ମାନି ଝେଡ଼ା ଲେଞ୍ଜୁ ହୁକାୟାଁ ଝେସାହାନାକି ଝିରଲହାନୁ ।
^{୧୩} ☆ମାର ମାହାପୁରୁ ଆଞ୍ଜାମାନି ଲେହେଁ ର ପୁଃନି ହାଗୁପାକା ଅଡ଼େ
 ପୁଃନି ଦାରୁଡିକି କାଚାମାନାୟି, ଆମିନି ଗାଟାୟି ଦାମ୍ଭୁତଲେ ବାସାଆନି
 ଚାୟୁ ଆନେ ।

^{୧୪} ଇଦାଆଁତାକି ଏ ଜୀଝୁତି ତାୟି ତାଞ୍ଜିସ୍ତା, ମୀରୁ ଇ ବାରେ
 କାଚିମାନିକି ମାହାପୁରୁ ନକିତା ଏନିକି ପାପୁ ହିଲାଆଗାଟାତେରି
 ଅଡ଼େ ଦହ ହିଲାଆଗାଟାତେରି ଆହାଁ ହିଡ଼ଡି ତଲେ ମାନାତେରି
 ଆହୁଁ ତଞ୍ଜା ଆଦେରି, ଏଦାଆଁତାକି ଜାଡ଼ନୁ ତଲେ ମାଞ୍ଜୁ; ^{୧୫} ଅଡ଼େ,
 ମା ପ୍ରବୁତି ହାରେକା ଅର୍ହିନାୟି ଗେଲ୍ପାନାୟି ଇଞ୍ଜୁ ଅଣ୍ଟପାଦୁ, ମା
 ଜୀଝୁତି ତାୟି ପାଝୁଲ ଜିକେଏ ମାହାପୁରୁ ହାହାମାନି ରୁଦିତଲେ
 ମିଙ୍ଗେତାକି ଏଲେକି ରାଚା ମାଞ୍ଜାନେସି । ^{୧୬} ଏଝାସି ତାନି
 ରାଚାମାନି ବାରେ ଆକୁତା ଇ ବାରେ କାତା ରାଚାନା ଏଲେକି
 ଝେସାମାନେସି; ଏ ବାରେ ଆକୁତା ଏତେକା କାତା ମାନେ,
 ଏମିନିଗାଟାଣି ତେଲ୍ହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା
 ଆତାଲା ଅଣ୍ଟପୁଗାଟି ଲକୁ, ତାମ୍ଭୁ ନୁସା ଆୟାଲି ଏଟକାଟି ସାସ୍ତେରିତା
 ଏନିକି ରାସ୍ତକି ଆହାମାନେ, ଏ ବାରେ ତାଣା ଜିକେଏ ଏଲେକି
 ଉଜେଏତି କାତା ଝେହନେରି ।

^{୧୭} ସାମା ଜୀଝୁତି ତାୟି ତାଞ୍ଜିସ୍ତାତେରି, ମୀରୁ ଇଦାଆଁ ବାରେ
 ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକି କିଲିବିଲି
 କିନି ଲକୁ ତାଣାଟି ନାଡ଼ି କିଞ୍ଜି ଆଆନା ମୀରୁ ଆଟ୍ଝା ନାମୁତା ଉଣା
 ଆଅତେରି । ^{୧୮} ସାମା ମା ପ୍ରବୁ ଅଡ଼େ ଗେଲ୍ପାନି ଜୀସୁ କ୍ରୀସ୍ତତି କାର୍ମା

ଅଡ଼େ ବୁଦ୍ଧିତା ପାତାଆଦୁ । ଏଞ୍ଜାଣାକି ନୀର୍ଦ୍ଦ ଅଡ଼େ କାଳାକାଳାତାକି
ଗାଞ୍ଜୁରନି ଆଠେ । ଆଠେନନ୍ ।

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33